

Pueang Eogta

Ginsueat nanday:

Josie T. Legaspi

Josie A. Rapiz

Gindrowing ni: **Ana Mae D. Magpusao**

Edited by: **Mahnne Q. Tolentino**

Sa isaeang ka banwa sa Aklan, may mag-asawang matawhay ag malipayon nga nagapangabuhi sa pihak ku kapobrehon. Adlaw-adlaw nga naga adto sa eanas sanday Bayang ag Kaang agud nga diparahon ro mga pananum hasta nga maka-ani. Samtang gapadaeum ro pagpala it mag-asawa, nadiskubrehan nanda ro mapilit ag kulor puea nga eogta sa eanas.

Nag-abot ro tiyempo it tigmamaea ag nag-giltak ro mga eogta sa sobrang init. Indi eon maarado ro eanas ag nagakalisud si Bayang ag Kaang nga indi sanda makatanum it paeay. Magutom ro andang pamilya.

“Paalin eot-a kita kara Bayang?” hambae ni Kaang.

“Paumwaron naton ro pueang eogta,” sapat ni Kaang.

Isaeang gabie, samtang naga-istorya ro mag-asawa, gulpi eamang nanda nga nadumduman ro tumaeagsahong kinaiya it eogta.



“Ro pueang eogta hay mapilit ngani pwedeng haluan naton it baeas agud nga patig-ahon,” hambae ni Kaang.

“Pwede kitang mag-obra it eahaan halin sa pueang eogta. Pwede pa gid kita nga mag-obra it kueon,” suhestyon ni Bayang.

Ginsamitan nanda nga maghurma it eahaan halin sa andang eanas. Umpisa kato, naka-obra sanda it sari-sari nga desinyo it mga eahaan.

Samtang nagabuhay, nag-abu ro mga nagdayaw sa andang mga obra kaparehas it eahaang bato, kueon, kaang, banga, baldosa ag iba pa.

